



A: Bosna i Hercegovina
Federacija Bosne i Hercegovine
Zeničko-dobojski kanton
OPĆINA TEŠANJ
OPĆINSKO VIJEĆE
Trg Alije Izetbegovića 11, 74260 Tešanj

Broj: 01-
Datum: _____ 2012. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj ____ sjednici održanoj dana ____ .11.2012. godine donosi

O D L U K U **o stipendiranju redovnih studenata dodiplomskog studija (prvog ciklusa)** **u akademskoj 2012/13. godini**

Član 1.

U akademskoj 2012/13. godini Općina Tešanj će stipendirati redovne studente dodiplomskog studija (prvog ciklusa) sa područja općine Tešanj na višim i visokoškolskim ustanovama u Bosni i Hercegovini, koji nemaju drugi oblik stipendiranja ili sufinansiranja (poput jednokratnih materijalnih pomoći u iznosima od 600 KM).

Član 2.

Odlukom o stipendiranju redovnih studenata dodiplomskog studija (prvog ciklusa) za akademsku 2012/2013. godinu, stiče se osnov za raspisivanje konkursa, tako da se dodijeli mogući broj studentskih stipendija do iznosa obezbijeđenih sredstava.

Član 3.

Visina mjesečne rate iznosi od najmanje 100,00 KM (stotinu konvertibilnih maraka) do najviše 130,00 KM (stotintrideset konvertibilnih maraka) po jednom studentu (zavisno od godine studija), a isplaćivat će se 10 mjeseci u godini, što ukupno iznosi od najmanje 1.000,00 KM (hiljadu konvertibilnih maraka) do najviše 1.300,00 KM (hiljadutristotine konvertibilnih maraka) po jednom studentu.

Član 4.

Postupak izbora kandidata za stipendiranje, vođenje potrebne evidencije, sklapanje ugovora, kao i druge poslove koji proističu iz ove Odluke, vodit će Komisija za dodjelu stipendija koju imenuje Općinski načelnik. Komisija će biti sastavljena od vijećnika i uposlenika nadležne općinske Službe. Rad Komisije za dodjelu stipendija biti će javan, a konkurs će se objaviti putem sredstava javnog informisanja.

Član 5.

Termin objave konkursa i rezultata konkursa bit će prilagođen terminima i rokovima konkursa Ministarstva za boračka pitanja ZDK, zbog iskorištenja mogućnosti stipendiranja studenata iz drugih izvora.

Član 6.

Komisija za dodjelu stipendija primjenjivat će Kriterije za dodjelu stipendija, odobrene od strane Općinskog načelnika, koji će bodovanje kandidata vršiti prema slijedećim elementima:

- ostvareni uspjeh
- godina studija
- socijalno-ekonomska situacija
- prednost jednom studentu, kada postoje dva studenta iz iste porodice
- prednost studentima sa invaliditetom
- postignuti rezultati na takmičenjima i posebna priznanja
- bodovi za deficitarna zanimanja
- bodovi za društveni angažman i volonterski rad
- studenti sa istim brojem bodova

Član 7.

Pravo na konkurisanje imaju svi studenti čija primanja po članu domaćinstva nisu viša od **562,26 KM** (80% prosječne neto plaće, isplaćene u Kantonu u predhodnoj godini), što se ne odnosi se na PPBiŠ, studente čiji su roditelji nosioci najviših ratnih priznanja, studente sa prosjekom ocjena 9 i više i učenike generacije iz srednje škole, s tim što će se odabir krajnjih budućih stipendista vršiti na osnovu bodovanja.

Studenti iz kategorije PPBiŠ, studenti čiji su roditelji nosioci najviših ratnih priznanja, nadareni studenti sa prosjekom ocjena 9 i više, kao i studenti - učenici generacije iz srednje škole, stipendiju dobivaju automatski bez bodovanja i bez obzira na profil zanimanja. Studenti iz porodice RVI sa stepenom invalidnosti sa i preko 50% stipendiju dobivaju automatski ukoliko im ukupna primanja po članu domaćinstva nisu viša od **562,26 KM**.

Član 8.

Sa svakim studentom koji se stipendira potpisat će se poseban ugovor o međusobnim pravima i obavezama korisnika stipendije i stipenditora.

Član 9.

Sredstva potrebna za realizaciju ove Odluke će se planirati u budžetskim rashodima za 2013. godinu u iznosu od **320.000,00 KM (tristotinedvadeset hiljada konvertibilnih maraka)**.

Član 10.

Ova Odluka stupa na snagu danom donošenja a objavit će se u „Službenom glasniku Općine Tešanj“.

DOSTAVLJENO:

1. Općinski načelnik,
2. Služba za društvene djelatnosti
komunalne poslove i ekologiju,
3. Općinsko vijeće,
4. a/a

PREDSJEDAVAJUĆI VIJEĆA



I PRAVNI OSNOV

Pravni osnov za donošenje ove Odluke sadržan je u članu 14. Statuta općine Tešanj ("Službeni glasnik Općine Tešanj", broj: 11/07).

II RAZLOZI DONOŠENJA ODLUKE

U akademskoj 2011/12. godini Općina Tešanj je dodijelila 324 stipendije redovnim studentima sa područja općine Tešanj. Budžetom Općine je obezbijeđeno 239.000 KM, dok je iznos od 85.000 KM obezbijeđen iz budžeta Zeničko-dobojskog kantona.

Za stipendiranje redovnih studenata na dodiplomskom studiju u akademskoj 2012/13. godini predlaže se izdvajanje iz Budžeta Općine u 2013. godini u iznosu od 320.000 KM. Ukoliko se desi da bude moguće obezbijediti dodatna sredstva iz drugih izvora, ista će biti namjenski utrošena prema ovoj Odluci. Promjene u visokom obrazovanju i primjena Bolonjskog sistema uticali su i na dio predloženih izmjena u sistemu i načinu stipendiranja studenata, tako da je moguće da će se pojaviti određeni broj studenata koji će redovnim studijem nastaviti školovanje u drugom ciklusu. Prvi ciklus završava sticanjem VSS stručnosti, a broj godina studija je različit (čak za ista zvanja), zavisno od univerziteta i fakulteta. Dakle, mjerilo za stipendiranje će biti sticanje VSS stručnosti.

Termin objave konkursa i rezultata konkursa, prema ovoj Odluci, bit će prilagođen terminima i rokovima konkursa Ministarstva za boračka pitanja ZDK, zbog iskorištenja mogućnosti stipendiranja studenata iz drugih izvora.

OBRAĐIVAČ

Služba za društvene
djelatnosti,
komunalne poslove i
ekologiju

Azra Muslija, dipl.pravnik

PREDLAGAČ

Općinski načelnik

Mr.sci. Suad Huskić, profesor

Broj: 03-02-1-3525/12.

Datum: 20.11.2012. godine

